

ЖЕТКІЗУШІЛЕРМЕН ЖҰМЫС ЖҮРГІЗУ РЕГЛАМЕНТІ

ЭТИКА ЖӘНЕ МІНЕЗ-ҚҰЛЫҚ

KAZ Minerals International DMCC және оның Тобы («KAZ Minerals» немесе «Топ») өз жеткізушілерінен этикалық нормалар мен адалдықты, сондай-ақ халықаралық танылған қағидаттар мен ұлттық заңдарды, сонымен қатар Топтың құндылықтары мен ішкі рәсімдерін сақтауды талап етеді.

ЖЕМҚОРЛЫҚ

KAZ Minerals Тобы өз қызметкерлеріне, мердігерлерге, клиенттерге, жеткізушілерге және олардың атынан әрекет ететін үшінші тұлғаларға парақорлық пен сыбайлас жемқорлықтың кез келген түрімен айналысуға тыйым салады.

KAZ Minerals өзінің қызметін жүргізуге қатысты парақорлық пен сыбайлас жемқорлыққа төменде көрсетілгендерді жатқызады:

- мемлекеттік лауазымды тұлғаға заңсыз немесе құқыққа қайшы болып табылатын қандай да бір рәсімді жеделдету үшін ақы төлеу;
- агенттер (консультанттарды, заңгерлерді, кеңес берушілерді және т.с.с. қоса алғанда) арқылы пара ұсыну;
- жұмыскерлердің немесе олардың туыстарының іскерлік қызметті жеңілдету үшін ақша қаражатын немесе материалдық игіліктерді алуы;
- асыра көрсетілген комиссиялық алымдар немесе жеңілдіктер; және
- пара алатын адам немесе оның туыстары немесе байланысты адамдар үшін құндылығы бар білім беру, жол жүру немесе кез келген өзге де қызметтер саласында қызметтер алу.

Дегенмен, егер олар жұмыс орнында ашық түрде ұсынылса және ақшалай құны шамалы болса немесе KAZ Minerals Тобының сыйлықтар мен қонақжайлылықтың өзге де көріністеріне қатысты саясатына, сондай-ақ мүдделер қақтығысы туралы саясатқа сәйкес келсе, жеткізушілердің бастамасы бойынша ұсынылатын кейбір сыйлықтар қабылдануы мүмкін (www.kazminerals.com).

Біздің KAZ Minerals Тобымен кез келген сипаттағы іскерлік байланысы бар жеткізушілеріміз келесі көрсетілгендерді орындайды деп күтеміз:

- KAZ Minerals компаниясының кез келген қызметкерінің немесе кез келген мемлекеттік қызметшінің немесе өзге адамның атына немесе тарапынан кез келген нысанда пара ұсынудан немесе қабылдаудан бас тарту;
- агенттер, консультанттар және басқа да үшінші тұлғалар сияқты делдалдар арқылы кез келген нысанда пара ұсынудан немесе қабылдаудан бас тарту;
- KAZ Minerals-тың пара беру және сыбайлас жемқорлыққа қатысты қағидаттарын басшылыққа алу (www.kazminerals.com);
- жемқорлықпен күресу мәселелері бойынша өз қызметкерлерін оқыту;
- бізге пара алу немесе парақорлықтың немесе сыбайлас жемқорлықтың басқа түрлері туралы кез келген өтініштер туралы хабарлау;
- мәмілелердің нақты есебін жүргізу;

- KAZ Minerals Тобы қызметкерлерінің атына немесе тарапынан кез келген сыйлықтарды немесе қонақжайлалық көріністерін ұсыну немесе алу жөніндегі саясатын орындау (www.kazminerals.com);
- мүдделер қақтығыстарына жол бермеу және мүдделер қақтығысы туындаған жағдайда KAZ Minerals-қа ақпарат беру; сонымен қатар
- барлық берілетін ақпараттың құпиялылығын сақтау.

ӘЛЕУМЕТТІК ЖАУАПКЕРШІЛІК

KAZ Minerals барлық жеткізушілерден өз қызметінде өз тобы қызметкерлерінің әлауқатына және өз қызметінің қоршаған ортаға және жергілікті қоғамға тигізетін әсеріне дұрыс көңіл бөлуін талап етеді.

ЕҢБЕКТІ ҚОРҒАУ

KAZ Minerals компаниясы өзінің жеткізушілерінен төменде көрсетілгендерді орындайды деп күтеді:

- БҰҰ-ның Адам құқықтарының жалпыға бірдей декларациясына сәйкес адам құқықтарын қорғауды қолдау және қамтамасыз ету және олардың адам құқықтарының қандай да бір бұзылуына қатысы болмауын қамтамасыз ету;
- еңбекті қорғау және қауіпсіздік техникасының жергілікті ережелері мен нормаларын сақтау, сондай-ақ өз жұмыскерлерінің денсаулығын қорғау және қауіпсіздігін қамтамасыз ету үшін шаралар қолдану;
- ұжымдық келіссөздер жүргізу құқығын және кемсітудің болмауын қамтамасыз ететін қолданыстағы еңбек заңнамасын сақтау және ұжымдағы әртүрлілік пен тең құқықты ынталандыру;
- өз жұмыскерлеріне қатысты мәжбүрлі немесе міндетті еңбектің барлық түрлерін, соның ішінде қазіргі құлдықтың кез келген түрін, адам саудасын, балалар немесе заңсыз еңбекті пайдалануға тыйым салу;
- жұмыскерлерге қолданылатын ең төменгі жалақы мөлшерінен кем төлемеу; және
- жұмыскерлерге халықаралық стандарттарға және жергілікті заңнамаға сәйкес жұмыс уақытына кепілдік беру.

ҚОРШАҒАН ОРТАНЫ ҚОРҒАУ

KAZ Minerals компаниясы өзінің жеткізушілерінен төменде көрсетілгендерді орындайды деп күтеді:

- қоршаған ортаны қорғау жөніндегі жергілікті нормаларды сақтау және өз қызметінің қоршаған ортаға тигізетін әсерін шектеу бойынша қажетті іс-әрекеттерді орындау;
- қоршаған ортаға әсерді азайтуға көмектесетін тауарлар мен қызметтерді пайдалану және энергия, қағаз, су және қалдықтар сияқты ресурстарды жақсы басқару және пайдалану үшін қоршаған ортаға жауапкершілікті арттыруға ықпал ету; және
- экологиялық таза технологиялардың дамуы мен таралуына ықпал ету.

KAZ MINERALS ЖЕТКІЗУШІЛЕРІМЕН ЖҰМЫС ЖҮРГІЗУ СТАНДАРТТАРЫ

KAZ Minerals өз қызметкерлерінен өзінің барлық жеткізушілеріне қатысты кәсіби мінез-құлықты және Топтың этикалық және шынайы мінез-құлық қағидаттарын сақтауға, өз қызметкерлері мен ол өз қызметін жүргізетін өңірлердің жергілікті тұрғындарының әлауқатын қамтамасыз етуге деген ұмтылысын құрметтеуді күтеді. Қызметкерлер

қоршаған ортаны қорғауға дұрыс қарауы, Топтың парақорлық пен сыбайлас жемқорлыққа абсолютті түрде төзбеушілік саясатын сақтауы тиіс.

KAZ Minerals өз жеткізушілерімен келесі жұмыс стандарттарын әрдайым сақтауға тырысады:

- өнеркәсіптік тәжірибеге сәйкес келетін жалпыға бірдей танылған әдістер мен құралдарды ғана пайдалану және коммерциялық қызметті жүргізудің заңсыз немесе жосықсыз әдістерін алып тастау;
- жеткізушілерден тікелей немесе жанама өтемақы, төлемдер немесе материалдық пайда алудан бас тарту және жеке мүдделердің бұл процеске әсер етпеуін қамтамасыз ету;
- егер Топтың сыйлықтар мен қонақжайлылық көріністеріне қатысты саясатына қайшы келетін болса, жеткізушілерден KAZ Minerals қызметкерінің немесе оның туыстарының немесе байланысты тұлғаларының мүддесінде сыйлықтар, жеңілдіктер, комиссиялық заттар, шақырулар, сапарлар сияқты кез келген түрдегі кез келген артықшылықтарды немесе пайдаларды ұсыну немесе алу бойынша тікелей немесе жанама талаптардан тартыну (www.kazminerals.com);
- барлық жеткізушілердің бірдей хабардар болуын қамтамасыз ету үшін жеткізушілерге әділ қарау және ашық және жүйелі өзара әрекеттесу кепілдігі;
- бәсекелестік ережелерін сақтауды бақылау және бәсекелес компанияларға тең қарым-қатынаста болу; сонымен қатар
- KAZ Minerals құндылықтарын ілгерілету және Жеткізушілермен жұмыс жүргізу регламентінде баяндалған қағидаттардың сақталуын қамтамасыз ету.

ЕСЕПТІЛІК

Жеткізушілерге олардың қызметкерлері мен KAZ Minerals компаниясының, оның қызметкерлері немесе үшінші тұлғалардың жоғарыда аталған қағидаттарды ықтимал және нақты бұзуы туралы хабарлау ұсынылады. Сіз мына әрекеттерді жасай аласыз:

- KAZ Minerals компаниясының бастығына/басшысына тікелей хабарлау; немесе
- Speak Up телефон желісі арқылы Дубайда немесе Ұлыбританияда болсаңыз 0800 915 1571, Қазақстанда 8800 3333 499, Қырғызстанда 0800 80 80 800 нөміріне қоңырау шалу немесе онлайн хабарлау керек www.safecall.co.uk/report немесе келесі электрондық пошта арқылы kazminerals@safecall.co.uk. Телефонмен қоңырау шалу тегін.

«KAZ Minerals International DMCC» Байқау кеңесі бекітті
2024 жылғы 25 маусым